



SÝSLUMAÐURINN
Í REYKJAVÍK

ÁRSSKÝRSLA 2010

2010

Sýslumaðurinn í Reykjavík, október 2011

Prentun: Prentmet

Efnisyfirlit

Inngangur	4
Umdæmið	5
Húsnæði embættisins o.fl.	6
Stjórnskipurit	7
Skipurit verkpátta	8
Starfsfólk	9
Fjármál	10
Starfsemi fagdeilda og tölulegar upplýsingar	13
Þinglýsinga- og skráningadeild	13
Fullnustudeild	18
Sifja- og skiptadeild	23

Inngangur

Starfsemi sýslumannsembættisins í Reykjavík gekk vel á árinu 2010. Rekstrarkostnaður var nálægt rekstrar-áætlun og útgjöld innan fjárheimilda. Starfsemin var þó að sumu leyti óvenjuleg. Þrennar kosningar fóru fram hér landi, þjóðaratkvæðagreiðsla um Icesave, sveitarstjórnarkosningar og loks kosningar um stjórnlagabing. Sýslumannsembættið í Reykjavík hefur miklum skyldum að gegna varðandi framkvæmd kosninga utan kjörfundar, ekki aðeins í umdæminu heldur einnig á landsvísi. Tölur sýna að kjósendur nýta sér í auknum mæli heimildina til að kjósa utan kjörfundar.

Fjárframlög til embættisins hafa lækkað verulega að undanförunum árum eins og hjá flestum öðrum stofnunum. Við því hefur verið brugðist með fækkun starfsmanna, lækkun launa og öðrum sparnaði. Um áramót 2010 og 2011 voru starfsmennirnir 48 í liðlega 45 stöðugildum en fyrir fjórum árum voru þeir 60. En blikur eru á lofti. Aðeins í stuttan tíma er hægt að halda uppi eðlilegri starfsemi með svo fáum starfsmönnum. Tölur og spár sýna að umtalsverð aukning verði á verkefnum í öllum deildum embættisins á næstu mánuðum og misserum. Sýslumannsembættið í Reykjavík er fjölsótt stjórnsýslustofnun sem sinnir afar mikilvægu hlutverki í samfélaginu. Þangað leita borgararnir með erindi sem þeir eiga rétt á að fá afgreidd hvort sem það er þinglýsing skjala, skilnaðarmál, dánarbúsmál eða önnur mál og því verða stjórnvöld að tryggja að embættið hafi styrk til að sinna þessum lögboðnu skyldum sínum.

Í skýrslu þessari eru teknar saman helstu upplýsingar um starfsemi embættisins á árinu 2010. Þar er að finna gagnlegar upplýsingar um fjölda verkefna og samanburð milli ára. Samanburður á tölum segir þó ekki allt og má í því sambandi benda á að fjöldi þinglýsinga hefur farið fækkandi undanfarin ár en skjölin eru hins vegar mörg hver miklu flóknari og erfiðari í afgreiðslu en áður. Þá má einnig nefna að uppboðsbeiðnir voru færri en áður en lokasölur miklu fleiri. Á árinu var gerð breyting á lögum nr. 90/1989 um aðför sem hafði í för með sér ákveðnar breytingar við afgreiðslu fjárnámsbeiðna. Embættið telur þær breytingar til bóta en þær munu hafa í för með sér tímundið átakverkefni í því fólgið að ljúka málum sem safnast hafa upp og ekki hefur tekist að ljúka.

Nánari grein er gerð fyrir starfsemi hverrar fagdeildar í sérstökum köflum skýrslunnar hér á eftir.

Þær breytingar urðu á yfirstjórn embættisins að Rúnar Guðjónsson lét af störfum sem sýslumaður í Reykjavík þann 30. júní 2010 en því embætti hafði hann gegnt frá árinu 1994. Við embættinu tók Guðmundur Sophusson sýslumaður í Hafnarfirði en í fjarveru hans var Þuríður Árnadóttir skrifstofustjóri settur sýslumaður frá 1. júlí til 31. október 2010.

Starfsfólki öllu eru færðar kærar þakkir fyrir vel unnin störf en mjög hefur reynt á embættið og starfsfólk þess vegna hinna mörgu og erfiðu mála sem fylgja djúpri fjármálakreppu.

Guðmundur Sophusson sýslumaður


Umdæmið

Í stjórnsýsluumdæmi sýslumannsins í Reykjavík eru sveitarfélögin Reykjavík, Mosfellsbær, Seltjarnarnes og Kjósarhreppur. Þann 1. desember 2010 var íbúafjöldi sveitarfélaganna sem hér segir:

Reykjavík 118.908 (fjölgun um 481 frá fyrra ári), Mosfellsbær 8.631 (fjölgun um 104 frá fyrra ári), Seltjarnarnes 4.327 (fækkun um 79 frá fyrra ári) og Kjósarhreppur 204 (fjölgun um 9 frá fyrra ári) eða samtals 132.070 íbúar.

Á árinu 2009 fækkaði íbúum í umdæminu um 1.368 en á árinu 2010 fjölgaði þeim hins vegar um 515.

Frá 1. desember 1992 hefur íbúum umdæmisins fjölgað um 22.203 eða liðlega 20%



Morgundans hjá sýslumanninum í Reykjavík. Í upphafi dags kemur hluti starfsmanna embættisins saman og dansar við hressilega músík áður en tekið er til við verkefni dagsins.

Húsnæði embættisins, tölvubúnaður o.fl.

Sýslumannsembættið í Reykjavík er með aðsetur að Skógarhlíð 6 í Reykjavík. Húsnæðið er 2.370 fermetra leiguhúsnæði í eigu Fasteigna ríkissjóðs.

Embættið kaupir ræstingarpjónustu frá Nostra ehf. Öryggis- og þjófavarnarkerfin eru frá Securitas hf. Á árinu 2010 var gerð ný verkáætlun um öryggismál og er verkefnum samkvæmt henni að mestu lokið.

Að Skógarhlíð 6 er Útlendingastofnun einnig með starfsemi og samnýta embættin kaffistofu og fundarsal á jarðhæð.

Til stóð að færa aðfarar- og nauðungarsölumál í GoPro kerfi. Frá því hefur nú verið horfið vegna ýmissa annmarka á þeirri framkvæmd. Í stað þess mun Þjóðskrá reyna að lagfæra gömlu fullnustukerfin og bæta. Sífja- og skiptamálin voru hins vegar færð yfir í GoPro í upphafi ársins og verða þar væntanlega áfram. Starfsmenn embættisins lögðu fram mikla vinnu við að skrifa og þróa það kerfi.

Tölvukerfi þinglýsinga er hluti af gagna- og upplýsingakerfi sem Þjóðskrá heldur fyrir allar fasteignar á Íslandi.

Önnur helstu tölvukerfi sem embættið notar eru tekjubókhaldskerfi TBR sem Fjársýsla ríkisins hefur umsjón með svo og Þjóðskráin í umsjón Skýrr.


Stór hluti tölvubúnaðar embættisins er kominn til sinna ára og er nauðsynlegt að endurnýja hann innan eins til tveggja ára.

Heimasíða sýslumannsembættisins í Reykjavík er www.syslumadur.is en sýslumannsembættin halda úti síðunni www.syslumenn.is en á báðum síðunum koma fram ýmsar gagnlegar upplýsingar og leiðbeiningar um starfsemi embættanna.




Stjórnskipurit

Embættið starfar eftir stjórnskipulagi sem samþykkt var af dómsmálaráðuneytinu og tók gildi í ársbyrjun 1999. Endurútgáfa þess fór fram á árinu 2000 vegna smávægilegra breytinga.



Skipurit verkþátta





Starfsfólk

Í lok árs 2010 voru fastráðnir starfsmenn embættisins 48 í 45,45 stöðugildum eða 2 starfsmönnum og 2,40 stöðugildum færri en í lok árs 2009. Enn varð að fækka starfsmönnum vegna niðurskurðar á fjárveitingum. Frá því í lok árs 2008 eða á tveimur árum hefur starfsmönnum fækkað um 6 og stöðugildum um 5,75. Til fróðleiks má geta að í lok árs 2006 voru fastráðnir starfsmenn 60.

Hinn 31. desember 2010 voru 19 lögfræðingar fastráðnir við embættið þar af var einn í hálfu starfi og annar í launalausum leyfi. Aðrir fastráðnir skrifstofumenn voru 29 í 26,95 stöðugildum. Sumarráðningar voru alls 5 þar af voru 4 laganemar.

Fastráðnar konur voru 40 í 37,45 stöðugildum eða u.þ.b. 83% af starfsmönnum en fastráðnir karlmenn voru 8.


Starfsmannastefna og jafnréttisáætlun embættisins er birt á heimasíðu þess: www.syslumadur.is



Fjármál


REKSTRARKOSTNAÐUR – FJÁRHEIMILDIR:

ÁR	2006	2007	2008	2009	2010
Launakostnaður	235,9	253,8	267,9	259,9	247,1
Annar rekstrarkostnaður	49	65,1	72,5	72,4	68,2
Eignakaup	3,5	2,4	1,5	1,5	0,8
Samtals	288,4	321,3	341,9	333,8	316,1
Framlag úr ríkissjóði	313,3	319,6	325,9	335,9	312,2



HEILDARINNHEIMTA – FJÁRHEIMILDIR:

ÁR	2006	2007	2008	2009	2010
Heildarinnheimta ársins	3.566.587.000	4.820.403.000	3.145.802.000	2.368.018.781	2.900.444.553
Erfðafjárskattur	525.892.000	826.371.000	656.492.000	842.412.277	1.407.348.521
Stimpilgjöld	2.740.025.000	3.656.902.000	2.205.432.000	1.226.783.815	1.119.743.301
Þjónustugjöld	300.670.000	337.130.000	283.877.000	298.822.689	373.352.731
Fjárheimildir	313.300.000	319.675.000	325.946.000	335.900.000	320.837.000



REKSTRARREIKNINGUR 2010

Tekjur	2010	2009
Sértekjur	3.989.172	3.493.373
Markaðar tekjur	0	0
Aðrar rekstrartekjur	0	0
Tekjur samtals	3.989.172	3.493.373
Gjöld		
Almennur rekstur	320.073.796	337.312.125
101 yfirstjórn	320.073.796	337.312.125
Gjöld samtals	320.073.796	337.312.125
Tekjur umfram gjöld	-316.084.624	-333.818.752
Framlag úr ríkissjóði	312.200.000	335.900.000
Hagnaður/tap ársins	-3.884.624	2.081.248



Starfsemi fagdeilda og tölulegar upplýsingar

Þinglýsinga- og skráningadeild

Fækkun starfsmanna í deildinni hefur leitt til þess að annir í starfsemi þinglýsinga- og skráningadeildar hafa verið miklar.

Á árinu 2010 voru 33.807 innlögð skjöl til þinglýsingar. Skjöl sem koma nú inn til þinglýsingar eru mörg hver mun flóknari en áður m.a. vegna stöðu mála í þjóðfélaginu og taka þau því lengri tíma í vinnslu. Einnig hefur borið á því að hvert einstakt skjal getur varðað fjölda eigna. Þá hafa tímabundnar lagabreytingar m.a. um stimpilgjöld, þinglýsingagjöld, greiðsluáðlögun o.fl. leitt til aukinnar vinnu.

Þann 4. október 2010 voru samtals 62.628 eignir staðfestar í umdæmi sýslumannsins í Reykjavík í Fasteignaskrá eða 97,02%. Eftir eru 1.926 eignir sem ekki hafa verið staðfestar í Fasteignaskrá. Í fæstum tilvikum liggja fyrir þinglýstar eignarheimildir vegna þessara eigna og hafa þær því ekki verið innfærðar í þinglýsingabækur. Í mörgum tilvikum er um eignir hins opinbera að ræða. Þá á eftir að ganga frá um 200 eignum þar sem misræmis gætir milli þinglýsingabóka og eigna skráðum hjá Þjóðskrá Íslands.

Öll skjöl sem koma inn til þinglýsingar hafa til nokkurra ára verið skönnuð og hefur sú ráðstöfun leitt til mun meiri skilvirkni og er til mikils hagræðis fyrir viðskiptavinum embættisins. Nú hafa verið skönnuð öll virk skjöl embættisins frá árinu 2000.

Á árinu 2010 voru 3.103 lögbókandagerðir vegna staðfestingar á undirritunum aðila og er um nokkra fækkun að ræða frá árunum 2008 og 2009.

Á árinu 2010 voru firmatilkynningar 493, þar af voru 273 tilkynningar vegna skráðra nýrra félaga en 111 tilkynningar árið 2009. Er um mjög mikla fjölgun að ræða frá árinu 2009 og er það einkum vegna mikils fjölda nýrra samlagsfélaga. Ekki hefur fengist fjármagn til að tölvuvæða firmaskrá embættisins og er þjónusta við viðskiptamenn embættisins því mun erfiðari og tímafrekari af þeim sökum.

Á árinu 2010 fóru fram þrennar kosningar og hafði deildin umsjón með utankjörfundaratkvæðagreiðslum vegna þeirra. Embætti sýslumannsins í Reykjavík var miðstöð aðsendra atkvæða fyrir allt landið. Starfsfólk embættisins hefur að mestu annast vinnu við kosningarnar og hefur það gengið mjög vel.

Utankjörfundaratkvæðagreiðsla vegna þjóðaratkvæðagreiðslu um fyrri ICESAVE samninginn sem fram fór 6. mars 2010 hófst 28. janúar 2010 samkvæmt ákvörðun ráðuneytisins. Fór hún fyrst fram á skrifstofu embættisins en 10. febrúar s.á. færðist hún í Laugardalshöll. Kjörsókn var hlutfallslega mikil og kusu alls 8.571 utan kjörfundar og eru aðsend atkvæði meðtalin.

Utankjörfundaratkvæðagreiðsla vegna sveitarstjórnarkosninga sem fram fóru 29. maí 2010 hófst 6. apríl 2010 og fór fyrst fram á skrifstofu embættisins en 10. maí s.á. færðist hún í Laugardalshöll. Kusu alls 8.009 utan kjörfundar og eru aðsend atkvæði meðtalin.

Utankjörfundaratkvæðagreiðsla vegna stjórnlagabings sem fram fóru 27. nóvember 2010 hófst 10. nóvember s.á. og var í Laugardalshöll. Kjörsókn var hlutfallslega mikil og kusu alls 7.116 utan kjörfundar og eru aðsend atkvæði meðtalin. Við framkvæmd kosninga til stjórnlagabings var farið að tillögum viðkomandi ráðuneytis, m.a. með því að fjölga starfsmönnum við eftirlit og aðstoð.

Eins og fram hefur komið kusu á árinu 2010 hlutfallslega fleiri utankjörfundar en oft áður. Virðist sem kjósendur líti á kosningu utan kjörfundar sem þægilegan valkost við kosningar. Kjósendur þurfa ekki lengur að gera grein fyrir ástæðum þess að þeir kjósa utan kjörfundar en í 56. gr. laga um kosningar til Alþingis nr. 24/2000

segir: „Kjósandi, sem ekki getur sótt kjörfund á kjördegi, hefur heimild til að greiða atkvæði utan kjörfundar eftir þeim reglum sem settar eru í lögum þessum.“ Með hliðsjón af því að fleiri æskja þess að kjósa utan kjörfundar er vert að huga að breytingum varðandi utankjörfundaratkvæðagreiðslu. Embættið hefur verið í fararbroddi um hugmyndir við tölvuvæðingu við framkvæmd utankjörfundaratkvæðagreiðslna. Upplýsingar úr kjörskrá um kjósenda eru nú prentaðar á viðeigandi kjörgögn í stað þess að handskrifa þessar upplýsingar. Hefur það létt störfin bæði hjá embættinu en einnig hjá hinum einstöku kjördeildum út um allt land sem ganga frá kjörgögnunum á kjördegi. Tölvukerfið er notað hjá öllum sýslumönnum.

Önnur starfsemi deildarinnar var svipuð og liðin ár, þ.e. staðfesting erfðaskráa, útdráttur í happdrættum, skráning kaupmála, útgáfa ýmissa leyfa, svo sem útgáfa meistarábréfa, útgáfa iðnaðarleyfa, útgáfa bílasöluleyfa og útgáfa happdrættisleyfa vegna minni happdrætta og eftirlit með atburðum ýmis konar.

Almennar fyrirspurnir og óskir um aðstoð frá almenningi hafa aukist sem m.a. má rekja til stöðu mála í þjóðfélaginu. Starfsfólk deildarinnar hefur reynt að koma til móts við almenning eins og unnt er. Oft er það þó ekki á færi starfsmanna að leysa úr vanda fólksins.

Bergþóra Sigmundsdóttir deildarstjóri



Frá utankjörfundarkosningu sýslumanns í Laugardalshöll.

Tölulegar upplýsingar úr þinglýsinga- og skráningadeild


MÓTTEKIN SKJÖL TIL ÞINGLÝSINGAR:

ÁR	2006	2007	2008	2009	2010
Fjöldi móttekinna skjala til þinglýsingar	54444	62855	42504	37336	33807




LÖGBÓKANDAGERÐIR:

ÁR	2006	2007	2008	2009	2010
Fjöldi lögbókandagerða	2123	3440	4608	4042	3103



ÚTGEFIN LEYFI, VOTTORÐ OFL.:


ÁR	2006	2007	2008	2009	2010
Fjöldi happdrætta	25	23	41	28	28
Útg. bílasöluleyfi		3	11	9	11
Endurnýjun bílasöluleyfa		8	7	3	7
Útg. iðnaðarleyfi		3	1	1	3
Útg. meistarabréf		45	80	101	88



ERFÐASKRÁR, KAUPMÁLAR, FIRMASKRÁ

ÁR	2006	2007	2008	2009	2010
Fjöldi erfðaskráa*	113	120	226	89	76
Fjöldi skráðra kaupmála	164	165	187	158	115
Skráning nýrra firma	85	100	63	111	277
Aukatilkynningar firma	78	134	132	181	206

*lögbókandavottaðar erfðaskrár



Fullnustudeild

Verkefni fullnustudeildar eru aðallega samkvæmt lögum nr. 90/1989 um aðför, lögum nr. 31/1990 um kyrrsetningu og lögbann, lögum nr. 90/1991 um nauðungarsölu og lögum nr. 53/2006 um öflun sönnunargagna vegna ætlaðra brota á hugverkarétti.

Fullnustudeild annast samkvæmt þessu, fjárnám, útburðar- og innsetningarmál, lögbannsmál, kyrrsetningarmál, löggeymslu og mál vegna öflunar sönnunargagna vegna ætlaðra brota á hugverkarétti. Þá annast deildin nauðungarsölu á fasteignum, skipum, flugvélum, bifreiðum og öðru lausafé og sér um innheimtu og úthlutun fjár sem kemur fyrir eignir við nauðungarsölu, útgáfu afsala og annarra heimildarbréfa vegna eignanna. Í tengslum við nauðungarsölu á lausafé eru gefnar út heimildir til vörslutöku lausafjár og veitt aðstoð við vörslutöku ef þörf krefur.

Starfsemi fullnustudeildar var með hefðbundnum hætti árið 2010. Ekki var um miklar sveiflur milli ára að ræða á fjölda þeirra mála sem deildin annast ef frá eru taldar beiðnir um kyrrsetningu sem fjölgaði um rúman fjórðung frá fyrra ári og beiðnir um innsetningu sem voru tvöfalt fleiri en árið á undan. Á hinn bóginn voru móttæknar beiðnir um aðför, nauðungarsölu, útburð og lögbann nokkuð færri en árið á undan. Þótt beiðnum um nauðungarsölu hafi fækkað á árinu fjölgaði þeim fasteignum sem seldar voru lokasölu á uppboði, sem hafði í för með sér umtalsvert meiri vinnu og aukið álag á starfsfólk deildarinnar. Alls voru seldar 453 fasteignir á árinu samanborið við 207 fasteignir árið 2009, 161 fasteignir árið 2008 og 137 árið 2007. Hluti þessara nauðungarsölmála hafði verið í fresti frá upphafi ársins 2009 vegna tímabundinnar heimildar gerðarpola til að óska frestunar á nauðungarsölu fasteignar að ákveðnum skilyrðum uppfylltum.

Ákveðin tímamót urðu í meðferð fjárnámsbeiðna þegar Alþingi samþykkti lög nr. 95/2010 um breytingu á lögum nr. 90/1989 um aðför á þann veg að fjárnámi má nú ljúka án árangurs að kröfu gerðarbeiðanda ef enginn mætir til gerðarinnar af hálfu gerðarpola þótt hann hafi sannanlega verið boðaður til hennar og engin vitneskja liggur fyrir um eign sem gera má fjárnám í. Lagabreyting þessi hefur í för með sér að unnt er að ljúka flestum fjárnámsgerðum á skrifstofu sýslumanns án þess að fulltrúar sýslumanns þurfi að fara á lögheimili gerðarpola eða dvalarstað til þess að freista þess að hafa uppi á gerðarpola eða leita liðsinnis lögreglu í því skyni.

Fjöldi starfsmanna fullnustudeildar hefur haldist óbreyttur frá árinu 2007 þrátt fyrir aukið álag. Starfsmenn deildarinnar stóðu sig með prýði á árinu og eru þeim færðar bestu þakkir fyrir sitt framlag.


Sigríður Eysteinsdóttir deildarstjóri

Tölulegar upplýsingar úr fullnustudeild

NAUÐUNGARSÖLUR:


Skráðar beiðnir:


ÁR	2006	2007	2008	2009	2010
Uppboðsbeiðnir - fasteignir	2509	2482	2277	2504	1961
Uppboðsbeiðnir - bifreiðar	2251	1970	2019	1068	723
Uppboðsbeiðnir - annað lausafé	316	193	130	224	212



Seldar eignir:


ÁR	2006	2007	2008	2009	2010
Fjöldi seldra fasteigna	91	137	161	207	453
Fjöldi seldra bifreiða	367	419	491	441	289
Annað lausafé selt	16	193	30	253	213






FJÁRNÁM:

ÁR	2006	2007	2008	2009	2010
Fjöldi fjárnámsbeiðna	19129	19758	18541	18211	16495
Fjöldi lokinna gerða	17088	19731	17591	15355	14098




ÚTBURÐIR - INNSETNINGAR

ÁR	2006	2007	2008	2009	2010
Fjöldi útburðabeiðna	67	70	55	49	43
Fjöldi innsetningabeiðna	20	20	3	9	18



KYRRSETNINGAR, LÖGBÖNN OG LÖGGEYMSLUR:

ÁR	2006	2007	2008	2009	2010
Fjöldi kyrrsetningabeiðna	26	15	25	37	48
Fjöldi lögbannsbeiðna	16	11	10	20	14
Fjöldi löggeymslubeiðna	7	4	2	6	7



Sifja- og skiptadeild

Ný sifjamál á skrá á árinu 2010 voru 1997 talsins, heldur færri en árið 2009, en þá voru þau 2139. Til sifjamála teljast skilnaðir og hjónavígslur, mál vegna sambúðarslita, forsjár, meðlags, sérframlags, menntunarframlags, umgengni og dagsekta. Fækkunin var að mestu leyti í faðernismálum, en þeim hefur fækkað þar sem algengara er að nýbakaðir foreldrar snúi sér til þjóðskrár með yfirlýsingu um feðrun barns, í stað þess að leita til sýslumanns.

Gríðarmargar erfðafjárskýrslur voru afgreiddar árið 2010, alls voru þær 1208 talsins, þar af 528 vegna fyrirframgreidds arfs. Árið 2009 voru erfðafjárskýrslur alls 782, þar af 275 vegna fyrirframgreiðslu arfs. Margir kusu að greiða út arf fyrirfram vegna breytinga á lögum um erfðafjárskatt sem tóku gildi í ársbyrjun 2011, þar sem erfðafjárskattur var hækkaður úr 5% í 10%. Framangreind aukning kom að mestu fram í desembermánuði.

Lögráðamál heyra einnig undir deildina, þ.e. verkefni sýslumanns á grundvelli lögræðislaga. Um er að ræða málefni þeirra sem sviptir eru sjálfræði eða fjárræði og þeirra sem hafa ráðsmann. Ný mál af því tagi hafa að jafnaði verið í kringum 30 á ári. Þá sinnir deildin lögboðnum verkefnum vegna fjárhalds fyrir börn.

Nýtt málaskrárkerfi fyrir sifjamál, byggt á forritinu GoPro, var tekið í notkun í ársbyrjun 2010, með því var tekin upp rafræn skráning á öllum skjölum sifjamála.

Í árslok 2010 voru starfsmenn deildarinnar 13 talsins.

Eyrún Guðmundsdóttir deildarstjóri




Frá Esjugöngu starfsmannafélagsins.

Tölulegar upplýsingar úr sífja- og skiptadeild

UMGENGNIS- OG DAGSEKTARMÁL:


ÁR	2006	2007	2008	2009	2010
Fjöldi umgengnismála	182	186	177	207	216
Fjöldi dagsektarmála	17	19	14	26	20






MEÐLAGSMÁL OFL.:

	2006	2007	2008	2009	2010
Faðernis- og meðlagsmál	245	285	309	239	175
Almenn meðlagsmál	261	229	264	241	208
Forsjár- og meðlagsmál	338	328	338	343	289



MENNTUNAR- OG SÉRFRAMLÖG:


ÁR	2006	2007	2008	2009	2010
Menntunarframlag	138	130	103	115	136
Sérframlag	79	72	71	74	74



SKILNAÐARMÁL OFL.:

ÁR	2005	2006	2007	2008	2009	2010
Skilnaðarmál	574	537	523	581	553	572
Slit á staðfestri samvist	11	16	12	10	10	3
Framfærslumál*	17	20	18	15	15	23

* Hér er um að ræða þann hluta skilnaðarmála þar sem samið er eða úrskurðað um lífeyri eða framfærslueyri




HJÓNAVÍGSLUR OG STAÐFEST SAMVIST:

Þann 22. júní 2010 varð breyting á hjúskaparlögum og lögfest heimild tveggja einstaklinga af sama kyni til að ganga í hjónaband. Jafnframt voru felld niður lög um staðfesta samvist.


ÁR	2006	2007	2008	2009	2010
Hjónavígslumál*	313	314	327	319	300
Hjónavígslur	228	231	244	210	205
Mál vegna staðfestingar á samvist*	16	12	10	10	1
Staðfest samvist	12	12	4	4	1

*könnun á skilyrðum hjónavígslu getur farið fram þó vígsla/staðfest samvist fari ekki fram hjá embættinu



LÖGRÁÐAMÁL:

ÁR	2006	2007	2008	2009	2010
Svipting sjálfræðis, ný mál	6	5	14	8	11
Svipting fjárræðis/lögræðis, ný mál	37	23	21	23	11
Erindi um ráðsmann, ný mál	4	5	7	0	8
Ný mál vegna barna	186	132	87	114	124
Önnur mál ársins	1	0	10	1	0



DÁNARBÚ – úr málaskrá*:


ÁR	2006	2007	2008	2009	2010
Ný mál á skrá	958	940	944	949	955
Erfðafjárskýrslur	710	805	671	782	1208

*Tölur eins og þær birtast í samantekt málaskrár dánarbúskerfis.



DÁNARBÚ – lokin mál


ÁR	2006	2007	2008	2009	2010
Búsetuleyfi	218	239	251	247	240
Lok einkaskipta	462	529	437	462	511
Opinber skipti	38	46	40	36	71
Eignalaus bú skv. 25. og 26. gr. skl.	131	158	178	154	156
Lokið með öðrum hætti	35	25	40	44	41
Lokin mál alls	884	997	946	943	1019



RÁÐGJÖF SÁLFRÆÐINGA: *

ÁR	2006	2007	2008	2009	2010
Fjöldi mála vísað til ráðgjafa	112	107	107	88	79

*Heimild: Ársskýrslur Gunnars H. Birgissonar og Jóhanns Loftssonar



FORSJÁ EFTIR ANDLÁT: *

ÁR	2006	2007	2008	2009	2010
Yfirlýsing um hver eigi að hafa forsjá barns eftir andlát	35	30	29	29	29

